



163 469

## QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM,

Die Jovis 19. Februarij.

M. NICOLAO BRAYER

DOCTORE MEDICO, PRÆSIDE.

*Fit ne puro parvòque victu vegetius corpus, expeditior animus?*

I.

QUANTUM sit mortis sub vitæ nomine, docent quotidianæ mortalium defectiones, citò quemvis extincturæ: nisi novæ in dies accedant sulturæ ruenti stomacho, & cadentibus cum ipso venis, partibusque corporis omnibus. Cùm enim ingentis calor humidum naturale, nostramque adeo substantiam continenter dissipet; ne præpropere universa moles, ac vita eriperetur, necessariò cavendum fuit. In eam rem natura nobis insecvit cibi potusque desiderium; illud, fames; hoc, sitis est. Cibo sarcimus quidquid solidioris substantiæ excidit, potu, quidquid humidioris: ceu quod effluxit aëreæ & igneæ, accepto per pulmonem arteriasque spiritu. Sed ut esculentorum ac poculentorum vis est, quam nulla res æquet, ac in amborum usu variè sapiùsque delinquitur; Ita summi est ad vitam momenti rectè instituta vescendi ratio, sine quâ nihil unquam auspiciatò geras; quâ solâ infirmioribus vitam in multos annos propages; nec rarò velut ariete immaniores morbos præter omnium expectationem elidas: prorsus ei qui corpore &

animo perditū valere cupiat, cū multa quæ ad victum pertinent, tenenda: tūm maximè quæ cuiusque cibi potusque sint vires atque discrimina; quis habendus utriusque modus, quæ adhibenda copia.

## II.

**CIBUM** potumque laudabilem à vitioso discreturus, non omni utatur, quo populus, quo *ἀσπιτος* utuntur, non arido, frigido, quo minuitur corpus: sed quo uno augefcit ac floret, humido, dulci suapte- vi, & mansueto: nihil quippe præter quàm dulce nutrit, tantūque alimenti quæque res, quantum voluptatis continet. An idcirco Natura habet in deliciis suavitatem & molliem, ad quam tota se applicat & effundit. Certè quod acris, alieni, aut turbidi quidpiam in se cohibet, quamlibet feliciter decoquatur, quas attinget partes, suā istā imbuet, quam mordicus retinet pravitate; fere ceu canis rabidi virus, tandem in aliquod grande malum erupturā. Removendum etiam quod est concoctū pertinax, quod tardi transitus, quod leve est, eique indole, ut citissimè coquatur, & corrumpatur, in iis præsertim quibus calor igneus est & squalidus. Et illud videndum ne quæ apponuntur, pretio magis, quàm utilitate æstimentur: ne voluptatis cupiditate quasi transfixis, placitum potius sit profuturo. Uxorem poculis amatoris virum adorfam, quis non excreetur? Tui ingenio luxuriam adjuvabis, & in gulæ irritamentum, cibo, species, aromata, rei optimæ, pessimam rem impunè adjunges: planè quo is est simplicior, purior, & parabilior; hoc præstantior. Sed quando nihil homini, sic quomodo rerum naturæ ac bestiis, quæ hujus specula sunt, placet; si quis emendationis indigeat; mistionis lenocinio sic concilietur, ut prosit: nec solum palato; sed etiam ventriculo, utili, & gratà succi temperatione commendetur. Pulchrè suis rationibus providet, qui ejurat obsonia, fassamenta, bellaria, lagana, crustula, tubera, fungos, & blanda alia venena, quæ alliciunt veluti præstigiis captam appetentiam: qui fædas, horridasque escas, legumina, siliquas, hillas, pernas, fumo duratas carnes, quibuscum acrior pugna ineunda est, nunquam degustat: parcè vel leccissimas, fame scilicet, non luxu impulsus: parcius adhuc pisces, fructus fugaces, an & ad reponendum idoneos? Parcissimè vinum, quod & nervis est inimicissimum, & malignè nutrit, & exedit vitalia, placido aquæ humore, melius proluenda.

## III.

**NON** minoris interest, quanto, quàm quo quisque pascatur alimento. Illius in utramque partem magna omnino vis. Nam & satietate nimia, corpus cruditate, quæ morborum omnium mater est, dissilit: & eorum qui se inedia macerant, exta senescunt celerius: hujus tamen, quàm istius longè leviora sunt delicta: illa, nunquam utilis; hæc, sæpissime. Modum cibariorum nemo facile definiat; quòd eorum, veluti corporum, dispar sit penitus ratio, non semper famis, sitisque sedatione circumscribenda. Bona quidem natura quantum appetit, tantum concoquere potest; frigida, minus; biliosa, plus etiam potest. Et famem facilius fert adolescens, quàm puer; deses, quàm

exercitatus; in denso, quàm in tenui cælo; Hieme, quàm æstare; qui semel, quam qui esse bis die solet. Robustis liberius comedere licet, imbecillo stomacho, quo in numero fere sunt civilis litteratæque vitæ cultores, diligentius servandi; ut quod studij corporisque ratio detrahit, cura restituat. Refert etiam sitne firmum, an leve; stabile, an fugax alimentum. De mensa igitur cape quantum debes, non quantum cupis; id scilicet quod redintegratis; non oppressis vitibus, fiat naturæ satis. Errabis nunquam si ad cibum tanquam ad medicamentum accedas, sumpturus quàm poteris parcissimè; si minus ejus usus, quàm temperantiâ lætus. Propterea ne falsa inter gaudia rapiaris extra metas necessitatis, melius fuerit à convivio te retrahas, quàm adlis. Itane verò angustum, & conchilij more uni formæ mancipatum vitæ genus semper tenendum est, ut liberali amicorum invitationi interesse nefas sit? Imò tanquam in acie, cum voluptariis rebus congregiendum; ut ventre minus, quàm animo conviva, adversus eas, non tam fugâ, quàm constanti præsentia tutus; explicatam hilaritatem vitæ molestiis interponas, ut refecto ac reconcinnato animo, si quid in ipso est frigida tristitiæ, aut torpentis verecundiæ, diluas.

## IV.

**S**UMMUM bonum est alimento non egere; ab hoc proximum, quamminimū requirere. Ad vitam itaque præstantiorem, quæ corporis animique pace ac vigore continetur, facilis est via, si bonis avibus ineatur. Ejus pars magna est venter docilis, bene moratus, modicâ salubrique escâ placabilis. Epulis se referre, præceptum est ad morbum gradus: quippe gravatus calor, molem quâ premitur, malè conficit; ut inde pestifera coacervetur illuvies, cujus virus vel in ipsum se fundit animum. Contra qui tenuem, sed nitidam mensam instruit (faciles enim fugere munditias, cibisque vesci contemptissimis; & dementis, & contra naturatum est) tardum dictu, magisne bonæ valetudini, an bonæ menti laboret? Nempe vegetus calor, quod nullo negotio decoxit alimentum, strenuè digerit in omnes membrorum particulas, quibus & sincerissimum affigit: quin & detrimenta quæ ex illo existunt, statim seposita, partium quibus id curæ est, robore, & quæ solet natura truduntur foras: aurâ autem levissimâ faciliè per patentis meatus subeunte, calor ipse & spiritus quasi flabris recreantur, excitantur, acutuntur. Hinc nervi, partesque reliquæ jugi sanguis contaminati, ceu vivifici roris appulsu vigent, roburque citra molem colligunt; relucet inore, vultu, totoque habitu, eximius quidam nitor virens, senique nescius: fit corpus universum ad officium incorruptè fungendum habile, promptum, & ita alacre; ut si quid undelibet premar, subere levius se se mox efferat; id ne senectus quidem ipsa, quæ soluit omnia, frangit; adest denique firma, hilaris. nullisque morbis violanda valetudo, causis externis, dum nihil adjuvant inquilinæ cibis ac potus, nitentque intus omnia, prorsus oblanguescentibus. Nec clam est multos hemi cranias, catharras, arthritidem, aliosque contumacio-

res affectus absterfisse rigida abstinentia, qua & recentes à Deo homines vitam in multa secula extendebant.

V.

**N**ON solum longioris vitæ; sed mentis erectioris, sapientiæ, prudentiumque consiliorum auctor est, & quasi parens tenuis cautusque vicinus: ut quàm crudis, dura; tam siccis proposita sint læta omnia. Horum seu ieiunorum, seu cœnatorum corpora, quod ab omni sorde sint vacua, ab omni inferarum partium turba pressuque liber est animus: nullo nidore, nullâ tetrâ purgamentorum aspiratione aut contagione inficitur cerebri substantia clarioris tenriorisque sanguinis accessione sic temperata: ut qui inde ducuntur purgatissimi spiritus, ipsi, totique corpori suo fulgore colluceant, & partes illæ quibus anima nobiliora explet munia, solidis expressisque bonis cumulatè splendeant. Oculi puro lumine vigent, liquidus est ac penetrabilis auditus, est & acerrimum odoratus, gustatus, tactusque iudicium; pedes certa imprimunt vestigia: mens ipsa, sicco corpore, quo cum rei minimum est, fulget veluti stella sereno calo; in suaque regia lucidissima, nullo sensuum errore tracta, nullo caloris turbine acta, facili spiritu excipit germanissima rerum simulacra, quorum ope aspectu res clariùs cernit. ac dijudicat, acceptorum tenacissima. Dum autem ipsa sibi vacat, assiduâ rerum meditatione se se exacuit, magis ac magis enitescit, ut quasi divinâ luce radiata, bonarumque cogitationum epulis saturata; & valeat ipsa suis viribus, & velut è sublimi folio, sua singulis partibus scitissimè describat officia. Sed & quia summum in illas obtinet imperium, pacem cuncta tenent, silent omnes averse à ratione animi commotiones, quæ surgit dapibus incensa libido ventris castigatione friget. Ne plura, sobrii, & à vino integri, vel ubi se quieti tradiderunt, nec jam suis uti possunt membris ac sensibus, incidunt in visa jucunda, tranquilla, vera; quemadmodum helluones in perturbata, impura, & tetra.

*Fit ergo puro parcoque victu, vegetius corpus, expeditior animus?*

Proponebat Lutetiæ ANTONIUS DE SAINT-YON,  
Parisinus, A. R. S. H. MDCLXXI.

P A R I S I I S,

Ex Typographia FRANCISCI MUGUET, Regis  
Typographi, viâ Citharæ.